

non habeat in ea nisi illud visitationis examinis eorum qui confessiones excipere volunt et ordinandorum ac cetera iurisdictionis iura que locorum ordinarii solent habere in suis Cathedralibus, exceptis iuribus supradesignatis que integre remaneant penes instituendum novum hoc Capitulum. Quod si presens aut successor Episcopus Trani presumpserit aliquid derogare ab his privilegiis qua nos ultra concedimus nove collegiate Barulensi tunc liceat ipsi eximi ab iurisdictione illius, ac abrogare conventionem veterem factam cum eo sub hisce quasi iisdem condicionibus supra expressis et rescindere quamcumque aliam vel factam vel stipulandam inter utrumque et alieni alteri ex vicinioribus sibi diecesibus si inveniatur que cum hoc modo recipiat vel Apostolice Sedi immediate subiciatur, usque dum aliter Romanus Pontifex juxta temporum, et rei conditionem determinet, atque constituat; et hoc in casu eam cum pareciis (*sic*) totius regionis moderetur (*sic*) suus Archipresbiter tamquam si esset nullius diecesis. Non obstantibus constitutionibus et ordinationibus Apostolicis ceterisque contrariis quibuscumque omnia antiquamus ac Auctoritate Apostolica tenore presentium in favorem predictę Baruletane Capitularis Ecclesie, obliteramus. Volumus autem quod si qua sive Ecclesiastice, secularisve potentia huic nostre concessionis temere contraire (*sic*) tentaverit, donec presumptionem suam congrua satisfactione coerceat, indignationem (*sic*) Dei Omnipotentis, et Beatorum Petri et Pauli Apostolorum eius incurrat et quousque resipuerit anathematis sententiis percellatur. Amen. — Ego Innocentius Catholice Ecclesie Episcopus. — Ego Albericus Ostiensis Episcopus — Datum Rome, per manum Honorii Lancellotta quarto Kalendas Decembris indictione secunda. Incarnationis Domini anno millesimo centesimo trigesimo nono. Pontificatus vero Innocentii Pape Secundi anno decimo.

Extracta est presens copia ab alia authentica depositata in Prothocollo Seede quondam Notarii Ioannis Bap-